

Saksprotokoll i utval for miljø og samferdsel - 07.11.2019

Representanten **Marthe Hammer (SV)** har stilt slikt spørsmål:

Vi kan lese at Statens Vegvesen har lagt ut fleire rapportar til høyring som gjeld standard og fart på vegar rundt Bergen, til dømes E39 Vågsbotn – Klauvaneset.

Kan samferdsledirektøren gjera greie for kva for rapportar som nyleg er lagt ut til høyring frå Statens Vegvesen og som gjeld fart og standard for veisystem rundt Bergen? Når vert desse rapportane lagt fram for politisk orientering eller politisk handsaming i fylkeskommunen?

Svar på spørsmålet

Fylgjande utgreiing er sendt på høyring:

Utredning av fartsgrense 120 km/t på motorveger og Utredning av en smal 4-felts veg og standarder på veger med ÅDT 6 000 – 20 000 [25.10.2019]

Sjå <https://www.vegvesen.no/fag/publikasjoner/Offentlige-hoeringer/Hoering?key=2846703>

Kort om oppdraget

I brev datert 26. mars 2019 ba Samferdselsdepartementet Statens vegvesen om å vurdere smal 4-felts veg og standardar på vegar med årsgjennsnittstrafikk (ÅDT) 6 000-20 000.

Det skal og vurderast ein inndeling av standardar som er basert på fleksibilitet og prosjektspesifikke vurderingar.

Denne rapporten inneheld dei etterspurte vurderingane. Rapporten er utarbeida av Vegdirektoratet.

Nye Veier AS er bedt om å koma med innspel på alternative tverrprofiler for smal 4-felts veg. På grunn av knappe tidsrammer har Nye Veier AS bestemt å avventa med sine innspel til høringen.